

**Siunnersuut uunga Kalaallit Nunaanni sulinermi ajoqusernermut isumannaarineq pillugu inatsisip allanngortinneqarnissaanut pillugu Inatsisissamut Siunnersuummut Namminersorlutik Oqartussat akuersissuteqarnissaat pillugu Inatsisartut aalajangiiffigisassaannut siunnersuut (Nalunaarutiginninnermut malittarisassanik naligiissaarineq, sulinermi ajutoornerit il.il. pineqartillugit akuersaarnissamut apeqquummik sukangannginnerusumik nalilersuineq)**

Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoq

### **Akissuteqaat**

(Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoq)

### **Aappassaanneerinninneq**

Naalakkersuisut matumuuna Inuussutissarsiornermut Aatsitassanullu Ataatsimiititaliap siunnersuummut sukumiisumik isumaliutissiisummik suliaqarnerat qujassuteqarfigaat.

Inuussutissarsiornermut Aatsitassanullu Ataatsimiititaliap isumaliutissiisummi siunnersuummut Inatsisartunut suliarisassanngorlugi tunniunnerani tusarniaanermut akissutit ilanngunneqassasut oqaaseqaatigaa. Tamanna Naalakkersuisut tusaatissatut tiguaat, aamma kukkuneramik eqqumaffigeqqusinera pillugu ataatsimiititaliaq qujaffigalugu.

Ataatsimiititaliap Naalakkersuisut kajumissarpai inatsisinik inissisimanermi allannguutit pillugit paasisitsiniaanermik aallartitsisoqassasoq. Kajumissaarineq tamanna Naalakkersuisut tiguaat aamma taamatut iliortoqarnissaa isumagissallugu. Tamanna pillugu qujanaq.

Taamaattumik Naalakkersuisut aappassaanneerinninnermi matumani aalajangiiffigisassatut siunnersuut taamatut isikkoqartillugu akuersissutigineqassasoq inassutigaat.